



全港中英文硬筆書法比賽 2021

幼稚園組

八陣圖 - 杜甫

功蓋三分國，
名成八陣圖。
江流石不轉，
遺恨失吞吳。

初小組

赤壁 - 杜牧

折戟沉沙鐵未銷，
自將磨洗認前朝。
東風不與周郎便，
銅雀春深鎖二喬。



全港中英文硬筆書法比賽 2021

高小組

南鄉子·登京口北固亭有懷 - 辛棄疾

何處望神州？滿眼風光北固樓。
千古興亡多少事？
悠悠！不盡長江滾滾流。

年少萬兜鍪，坐斷東南戰未休。
天下英雄誰敵手？
曹劉！生子當如孫仲謀。

中學組

臨江仙·滾滾長江東逝 - 楊慎

滾滾長江東逝水，浪花淘盡英雄。
是非成敗轉頭空，青山依舊在，
幾度夕陽紅。
白髮漁樵江渚上，慣看秋月春風。
一壺濁酒喜相逢，古今多少事，
都付笑談中。



全港中英文硬筆書法比賽 2021

公開組

念奴嬌·赤壁懷古 - 蘇軾

大江東去，浪淘盡，千古風流人物。
故壘西邊，人道是：三國周郎赤壁。
亂石穿空，驚濤拍岸，捲起千堆雪。
江山如畫，一時多少豪傑。

遙想公瑾當年，小喬初嫁了，雄姿英發。
羽扇綸巾，談笑間、強虜灰飛煙滅。
故國神遊，多情應笑我，早生華髮。
人間如夢，一樽還酹江月。